



www.BibleForChildren.org




Yohane 14



Yesu kakiaghombela, “Nkotoke kubhaghaya mu myoyo yenu Mungunhyubhalila Chapanga munyubhalile na nenga bhubho. Ukaya kwa Tate ghwangu kubhegha na hyumba ndangalo hela bhubho ningabhaghombilite, kiyaha nungughenda kuatendekehela lubhagha.”




“Na mbole ya kughenda na kuatendekehela pahala,
ndaabhuya na kuatola, ngati mwenga mmeghe
pala pameghite nenga.”



Nenga Yohane nnongo ghwenu, ywene kwa
kulilunga na Yesu, nungulihanga papamu na
mwenga mu himbamanda mughghubhutwa


ghwake na ulimbililo ghwoha. Nenga
nikibhopwa mu kigunguli




kiikemitwe Patimo
kwa uhokelo ghwa
kulandamiha lilagho
Iya Chapanga na
kwakya hoto ya Yesu.




Kamu, nikibhegha mu Nhuki ghwa Chapanga, na
kuulongolo ghwangu kukibhegha kiteho kya
ghghubhutwa na kikitamilwa na mundu yumu.



Hila hila nikiyihwa hibhumbe hyoha hya kunani na hya
munima na hya pahi ya nnima na hya mulihibha,
bhoha bhakibhegha bhanguyimba,
“Litiko na uhokamo na ukulu na
makakala ghoha, Ghabheghe
kwa ywombe ywakatamite mu
kiteho kya ghghubhutwa kwa
Mwana mene
manjubha
kyanga uhiko.”




Mbole ya apo, nikipibhona kitami kila king'anyimo, ndo Yelusalemu ya hyono, paghuhuluka kuhuma kunani kwa Chapanga, kibhikwa kala handa nndala yunakutolelwa ywakalembelwite kwakya nngwana ghwake.




Mbole nikiyihwa lilobhe likulu kuhuma mukiteho kya utabhala, palilongela, “Hinu, pala pakatama Chapanga katatama papamu na bhandu bhake naywo katatama nkati yabhe. Naywo kaatama papamu na bhombe, na bhombe bhaatendekwa bhandu bhake. Naywo


Chapanga mwene kaabhegha papamu na bhombe, kaabhegha Chapanga ghwabhe.”




Mbole, yula ndumitumi ghwa kunani kwa Chapanga
kakinangiha lukemba lwa machi gha ubhumi,
malangalo handa lindala, paghabhilibhita kuhuma
mukiteho kya ghubhutwa kya Chapanga na kya
Mwanamene Lukemba alwo ghukibhilibhiha machi
kupitila pakati ya njila ngulu ya kitami akyo.



Kitami akyo kingupala ng'obhe luchubha ebu
lubhahamwehi kulangahila, kiyaha ukulu ghwa
Chapanga ghungung'alihila, na yula Mwanamene ndo
limbamba Iya kitami kila.



Peni kahone kyohele kiibheghite kinyakali kiipala
kuyingila amwo, hangi mundu ywohele yunakutenda
milando ya uyaghabhiho na
uhwangi. Ngati bhala
ghweka bhene mahina
ghabhe ghatyekwa mu
kitabho kya ubhumi
kya Mwanamene
bhaapala kuyingila.




“Ywombe katabhapukuta mahohi kuhuma mumeho
ghabhe. Mana kiho kyabhegha ng'obhe kangi, ebu
kibhembo, ebu makukuliko, ebu m
abhubhulilo, kiyaha milando
ya makachu yipita kala.”



Mu kitami akyo kyaabhegha ng'obhe kangi kilibhi
kyohele kiikotolitwe. Kiteho kya ghubhutwa kya
Chapanga na kya Mwanamene kyaabhegha mukitami
akyo na andumitumi bhake bhantunndumikila. Bhombe
bhatakibhona kibhungi
kyake na lihina lyake
lyaatyekwa mu
mipanja hya
hibhungi hyabhe.



Mbole, nikibhabhona bhaahweghite bhandu ahwadali na bhangha kubhegha ahwadali, bhayima muulonolo ghwa kiteho kya ghubhutwa, na hitabho hikiughulighwa. Kangi kikiughulighwa kitabho kingi kyene ndo kya ubhumi, bhaahweghite bhakitoswa kulandana na mandendelo ghabhe, handa muyityekitwe nkati ya hitabho ahyo. Mundu ywohele ywene lihina lyake lyangabhonekana mu kitabho kila kya ubhumi, kakitaghwa mulihibha lya mwoto.



Nhuki na ndala yunakutolelwa bhangulongela,
“Ghuhike.” Mundu ywohele ywakayihwa lilagho ali na
kalongele, “Ghuhike.” Kahike mundu ywohele
ywakabheghite na nyota ya machi kahike, na kila
mundu ywakapala kanyweghe yaghi machi gha
ubhumi.



“Kiyaha Chapanga kakighupala nnima
mbaka kakimmuha Mwana ghwake
ghwa kighweka, ngati kila mundu
ywakanhyubhalila kakotoke
kuhobha, ngati kabheghe na
ubhumi ghwa manjubha
ghoha ghanga
pela!”



Akaaloma 3:23 Kiyaha bhandu bhoha atenda ulemwa na kutama kwabhe kungubhoneha ng'obhe ukulu ghwa Chapanga.

Akaaloma 6:23 Kiyaha mapongolo gha ulemwa ndo kiho, peni lilumbo lya yaghi lya Chapanga ndo ubhumi ghwa manjubha ghoha na ghwanga kupela kukindila kwa Kilisito Yesu, Bambo ghwetu.

Akaaebulania 9:27 Hino, handa bhula kila mundu kaahwegha mala yimo ghweka, mbole kaayima mu ulongolo ghwa Chgapanga ngati katoswe.

Akaefeso 2:8,9 Mana, kwa umaha ghwa Chapanga nkomboleghwa kwa njila ya kuhyubhalila, kangi mukililopoha ng'obhe kwa matendelo ghenu, ngati ndo hupo ya yaghi kuhuma kwa Chapanga kubhukana na kunhyubhalia Kilisto Yesu.



Mundu ywohele kakotoke kulitika, kiyaha nnopoleghwa ng'obhe kubhukana na mandendelo ghenu.

Akaaloma 10:9,10 Kiyaha handa paghunkambuka ghu mwene kwa ngulu yako kukita Yesu ndo Bambo, na kuhyubhalila mu mwoyo ghwako kukita Chapanga kakinhyuha, ghwaalopoleghwa. Kiyaha Chapanga kaakuyitikila na kukulopoha, handa ghwaahyubhalila kya hoto na kubhaghombela bhangi ya kya uhyubhalilo aghu.

Yohane 3:16,17 “Kiyaha Chapanga kakighupala nnima mbaka kakimmuha Mwana ghwake ghwa kighweka, ngati kila mundu ywakanhyubhalila kakotoke kuhobha, ngati kabheghe na ubhumi ghwa manjubha ghoha ghanga pela!” Kiyaha Chapanga kakinnaghila ng'obhe Mwana ghwake ngati kaghutose nnima, maha kaghulopohe nnima.



1 Yohane 5:11-13 Na uhoto ghwene ndo aghu, Chapanga kakitupegha ubhumi ghwa manjubha ghoha, naghwo ubhumi aghwo ghubhegha mu Mwana ghwake.

Ywakabhegha na Mwana ghwa Chapanga kabhegha naghwo ubhumi aghwo, na ywanga kubhegha na Mwana ghwa Chapanga kubhegha ng'obhe na ubhumi.

Nunguatyekela mwenga muulihyubhalila Lihina Iya Mwana ghwa Chapanga ngati mmokole kumanya kukita mmegha na ubhumi ghwa manjubha ghoha ghwanga uhiko.



Yohane 14; 2 Akaakolinto 5; Uhwimulo 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Ndwewe NT (nww) @The Word for The World International
and Ndwewe Language translation, 2025. All rights
reserved

<https://www.bible.com/en-GB/bible/3974/MAT.1.NTNHBL>

©2026 Bible for Children, Inc.

www.M1914.org

www.bibleforchildren.org

